



09.maj 2019

UPA2019/61

Qitiusumik kiassaateqarfinnik kissarsuuteqarfinnillu Namminersorlutik Oqartussanit toqqaannangitsumik toqqaannartumilluunniit pigineqartunik atuisinnaanerup Nukissiorfinnut kingusinnerpaamik 1. januar 2020-mi tunniunneqarnissaanik qulakkeerinnequllugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Atuisinnaanerup nuunneqarnera ilutigalugu kiassaateqarfinni aningaasat uninngasuutit Nukissiorfinnut nuunneqassapput. Atuisinnaanerup nuunneqarnerani atortulersuutit aserfallatsaalineqarnissaannut pisussaaffiit atuuttut allanngortinneqassanngillat atortulersuutillu piumasaqaatit Naalakkersuisunit aalajangersarneqartut naapertorlugit aserfallatsaalineqartussaassapput.

(Inatsisartunut ilaasortaq Aleqa Hammond, Nunatta Qitornai)

Siullermik siunnersuuteqartut nersualaarusuppavut inatsisartuni ilaasortat partiit akimorlugit ataatsimoorfigisaq isumaqatigisarlu pillugu ataatsimoorussamik aalajangiiffigisassatut siunnersuusiorsimanerannut.

Inuiaqatigiit kiassarnerput nunarsuarmioqatigiinnut allanut sanilliullugu qaffasinnerusumik inissisimavoq, tamannalu namminerisamik tupinnartuliaanngilaq issittormiuungatta aammalu ukiumut qaammatini arlalissuarni kiassartariaqartaratta. Taamaammat kiassarnermut tunngasutigut aaqqissuussineq assut pingaartipparput.

Pisortat ingerlataanni inissianilu attartortittakkani kiassaateqarfinnik namminersorlutik oqartussanit toqqaannartumik ilaannakortumilluunniit ingerlanneqarlutik pigineqartuni atuisinnaanerup Nukissiorfinnut kingusinnerpaamik 1. januar 2020-mmi tunniunneqarnissaanik naalakkersuisut qulakkeerinnequneqarput.

Nukissiorfinnut tunniunneqarnerinut immikkut ilassutigineqartumik aningaasartuutaalerumaartussat, tassa malimmassaanermi assigiissaartumillu qaffasissumik pitsaassuseqarnissaat eqqarsaatigalugu oqaatigineqarput. Tamannalumi aamma namminerisamik pisussaaffik tunngavigineqarpoq.

Nukissiorfiit pilersuisussaataitanerat kallerup inneranut, imermut kiassarnermullu soorunami nuna tamakkerlugu kiassaateqarfiit aamma pitsaassutsimikkut qaffaseqatigiissumik isumannaallisarsimasumillu ingerlanneqartussaapput Nukissiorfiit kiffartuussinermi tunngavissaannut ilaavoq.

Naalakkersuisut kommunillu isumaqatigiinninniarnerni pisartuni ataatsimoortumik tapissutit eqqartorneqarput, aamma ineqarnermut suliassaqrarfiup kommuninit nuunneqarnissaanut

Nunatta Qitornai

Inatsisartuni



tunggasunut naalackersuisuniillu siunnersuuteqartut isumaqatigalugit oqaatigineqarppoq isumaqatigiinninniarnermi aamma kiassaateqarfiit ilanngullugit oqaluuserineqarnissaat aqutissaasoq.

Siunnersuuteqartut naaperiarlugit naalackersuisut allannguutissatut siunnersuuteqarnerat iluarisimaarparput, taamaasillutalu siunnersuut ataatsimiititaliamut ingerlateqqillutigu.